

Qishloq hayoti

2013 йил

Обод турмуш йили

Қишлоқ ҳаёти

O'zbekiston Respublikasi ijtimoiy-iqtisodiy gazetasi

www.qishloqhayoti.uz

2013-ЙИЛ 22-ФЕВРАЛ, ЖУМА, 23 (8104)-сон

1974-йил 1-январдан чиқа бoshлаган
Bahosi kelishilgan narxda.



Обод турмуш йилида мўл ҳосил етиштиришни мақсад қилган Сирдарё тумани деҳқонлари айни пайтда бошланётган баҳорги агротехник тадбирларга пухта тайёргарлик кўришган. Зеро, бугунги ҳаракатда эртанинг барокати намоен бўлади.



Жамиятимизда шундай ҳунарлар борки, уларни аёллар меҳнатсиз тасаввур этиш қийин. Дейлик, тикувчилик ёки каштачилик. Уни фақатгина аёллар эплаши мумкин. Яхшигина даромад келтирадиган ушбу ҳунарларни касбга айлантираётган, ҳам оилага, ҳам жамиятга фойда келтираётган аёлларимиз бугун жамиятнинг таянчига айланиб бораётир.



Дўстлик туманидаги "Баркамол авлод" болалар маркази ўқитувчи-мураббийлари болаларга ўз тўғарақлари доирасидагина билим ва кўникмалар бериб қолмай, уларнинг истеъдод-иқтидорларини юксалтириш, интеллектуал салоҳиятларини ҳар томонлама қўллаб-қувватлаш, камол топтиришга ҳаракат қилишяпти.

САҲИФАЛАРДА САҲИФАЛАРДА

Куннинг муҳим воқеалари

► Қорақалпоғистон Республикаси Шуманай туманида Президентимиз Ислам Каримовнинг "Юксак маънавият - энгилмас куч" асарини ўқиб-ўрганишга бағишланган ўқув семинари ўтказилди. Семинарда ҳозирги мураккаб глобаллашув даврида халқимиз маънавиятини юксалтириш, ёш авлоднинг қалби ва онгини турли зарарли фоя ва мафқуралар таъсиридан асраш ҳамда ҳимоя қилиш масалаларига мамлакатимизда алоҳида эътибор қаратилаётгани таъкидланди.

► Самарқанд шаҳрида "Маҳалла" хайрия жамоат фонди вилоят бўлими ва шаҳар, туман бўлиналари ходимларининг ижтимоий-сиёсий, иқтисодий, ҳуқуқий ва маънавий-маърифий билимларини янада ошириш мақсадида ўқув-семинари ўтказилди.

► Наманган вилояти мудофаа ишлари бошқармасида мамлакатимизнинг турли ҳудудларида мудолатли ҳарбий хизматни ўтаб қайтаётган йигитларни қўтиб олишга бағишланган тантанали маросим бўлиб ўтди.

► Ёшлар ижод саройида "Ўзбекистон маданияти ва санъати форуми" жамғармаси, "Келажак овози" ёшлар ташаббуслари маркази томонидан шەрият кечаси ташкил этилди.



ЗАМОНАВИЙ, КЎРКАМ, ҚУЛАЙ

ДАВЛАТИМИЗ РАҲБАРИНИНГ 2011 ЙИЛ 15 НОЯБРДА ҚАБУЛ ҚИЛИНГАН ФАРҒОНА ШАҲРИНИНГ БОШ РЕЖАСИНИ АМАЛГА ОШИРИШ, 2012-2015 ЙИЛЛАРДА ИЖТИМОЙ ВА ТРАНСПОРТ-КОММУНАЛ ИНФРАТУЗИЛМА ОБЪЕКТЛАРИНИ ҚУРИШ ВА РЕКОНСТРУКЦИЯ ҚИЛИШГА ОИД ҚАРОРИ АСОСИДА ФАРҒОНА ВИЛОЯТИ МАРКАЗИДА МУҲТАШАМ ИНШОТЛАР, САВДО ВА ХИЗМАТ КЎРСАТИШ МАЖМУАЛАРИ, СЕРВИС ШОҲОБЧАЛАРИ ҚЎР РОСТЛАМОҚДА.

"Mango" савдо мажмуаси — ана шундай янги объектлардан. "Озод дийр савдо" хусусий корхонаси томонидан ишга туширилган замонавий, кўркам ва барча қўлайликларга эга мажмуада мамлакатимизда ишлаб чиқарилаётган ўн мингга яқин турдаги халқ истеъмоли товарлари, парфюмерия, сут ва гўшт, сабзавот, қандолат, балик, шарбат ва ичимликлар ҳамда бошқа озиқ-овқат маҳсулотлари сотилмоқда. Харидорлар пластик карточкаларга харид қилиши учун тўлов терминаллари ўрнатилган. Мажмуада 20 киши муқим иш билан таъминланган.

Муқимжон ҚОДИРОВ (ЎЗА) олган суратлар.

ҚАР БИР ҲУДУД ЭЪТИБОРДА

Ўзбекистон Республикаси Олий Мажлиси Сенатининг маҳаллий ҳокимият вакиллик органлари фаолиятини кучайтиришга қўмаклашувчи комиссияси ҳамда халқ депутатлари Сурхондарё вилояти Кенгаши ҳамкорлигида "Мамлакатимиз тараққиётининг ҳозирги босқичида сенаторлар ва халқ депутатлари маҳаллий Кенгашлари депутатларининг ҳудудий муаммоларни ҳал қилишдаги роли" мавзусидаги семинар-тренинг бўлиб ўтди.

Уни Ўзбекистон Республикаси Олий Мажлиси Сенати Раисининг ўринбосари, Сенатнинг маҳаллий ҳокимият вакиллик органлари фаолиятини кучайтиришга қўмаклашувчи комиссияси раиси М.Ражабова олиб борди. Таъкидландики, вилоятда 1004 та лойиҳа ишлаб чиқилган бўлиб, 887 таси айнан 2013 йилда амалга оширилиши кўзда тутилган. Бу ишлар натижасида 19 минг 447 нафар қўшимча иш ўрни яратилди. Тадбирда сенаторлар ва халқ депутатлари маҳаллий Кенгашлари доимий комиссиялари ҳамда депутатлари томонидан ҳудудий муаммоларни аниқлаш, муҳокама қилиш ва ҳал этишнинг ўзига хос жиҳатлари, Олий Мажлис Сенатининг маҳаллий вакиллик органлари фаолиятини кучайтиришга қўмаклашувчи комиссиясига ёрдам беришчи ишчи гуруҳлар фаолиятини янада жонлантириш, ҳудудлар учун долзарб ижтимоий-иқтисодий аҳамиятга эга бўлган масалаларда сиёсий партиялар депутатлик гуруҳларининг иштироки мавзуларида маърузалар ҳам тинланди. Семинар-тренингда Сурхондарё вилояти ҳокими Н.Чориев иштирок этди.

Чори ЖУМАҚУЛОВ, "Qishloq hayoti" мухбири.

ТАДБИРКОРЛИККА КЕНГ ЙЎЛ

Навоий шаҳрида Ўзбекистон Республикаси Олий Мажлиси Сенатининг Бюджет ва иқтисодий ислохотлар масалалари қўмитаси, Марказий банк ҳамда вилоят ҳокимлиги томонидан банк тизимини янада ислоҳ қилиш ва самарадорлигини ошириш бўйича қабул қилинган қонунлар, Президентимизнинг Фармон ва қарорлари мазмун-моҳияти ҳамда уларни амалга ошириш механизмларига бағишланган ўқув-семинар бўлиб ўтди.

Тадбирда Ўзбекистон Республикаси Олий Мажлиси Сенати Бюджет ва иқтисодий ислохотлар масалалари қўмитаси раиси А.Алтиев ва бошқарув Президентимиз раҳнамолигида мамлакатимизда иқтисодий ўсиш суръатлари барқарорлигини таъминлаш мақсадида, айниқса, кичик бизнес ва хусусий тадбиркорликни қўллаб-қувватлаш, касб-ҳунар коллежалари битирувчиларининг истиқболли бизнес режаларини молиялаштириш, минтақалар шароитини ҳисобга олган ҳолда энг мақбул лойиҳаларни амалга оширишга алоҳида эътибор қаратилаётганини таъкидлашди. Бу жараёнда банклар ҳам ўзининг муносиб улушини қўшмоқда. Хусусан, ўтган йили Навоий вилоятида кичик бизнес ва хусусий тадбиркорлик субъектларига ажратилган кредитлар ҳажми 2011 йилдагига нисбатан 1,3 баробарга ортиб, 243,1 миллиард сўмини ташкил этган. Анжуманда тижорат банклари томонидан маҳаллаларда аҳоли билан уршувлар ташкил этишни кучайтириш, уларнинг тақриф ва лойиҳаларини пухта ўрганиш ҳамда қўллаб-қувватлаш масалалари, томорқа ҳўжалиқларидан фойдаланиш янада яхшилаш, бунда молиявий қўмак беришга алоҳида эътибор қаратиш ишлари юзасидан тақрифлар муҳокама этилди. Шунингдек, семинар қатнашчиларига Обод турмуш йилида банк тизимида кичик бизнес ва хусусий тадбиркорликни молиявий қўллаб-қувватлаш, аҳоли даромадларини ошириш ҳамда оилалар фаровонлигини таъминлаш мақсадида режалаштирилган чора-тадбирлар тўғрисида маълумот берилди. — Эркин мулоқот тарзида кенган семинар банк тизими ходимлари ва банклар миқозлари учун муқим аҳамият касб этди, — деди Ўзбекистон Республикаси Марказий банки Навоий вилояти бош бошқармаси бошлиғи Юсуф Раҳимов. — Чунки бугунги кунда вилоятимизда тадбиркорлик субъектларини молиявий қўллаб-қувватлаш, миқозларга хизмат кўрсатиш сифати тобора юксалмоқда. Масалан, ўтган йили коллеж битирувчиларининг тадбиркорлигини амалга ошириш мақсадида 4 миллиард сўмдан ортик кредит маблағлари ажратилди. Бу борадаги ишларни жорий йилда ҳам давом эттириб, ёш тадбиркорлар учун кредитлар ҳажмини 3 баробарга ошириб, 12 миллиард сўмдан ортик маблағ берилиши кўзда тутилмоқда. Тадбирда тадбиркорлар ўзларини қизиқтирган барча саволларга атрофича жавоб олишди. Семинарда Навоий вилояти ҳокими Э.Турдимов иштирок этди.

Абдурусул САТТОРОВ, "Qishloq hayoti" мухбири.

КЕНГАШ ФЕРМЕРЛАРНИНГ ЭНГ ЯҚИН МАСЛАҲАТЧИСИГА, ФЕРМЕРЛИК ҲАРАКАТИНИНГ ЎЗАГИГА АЙЛанаДИ

Президентимизнинг 2012 йил 22 октябрда қабул қилинган "Ўзбекистонда фермерлик фаолиятини ташкил қилишни янада такомиллаштириш ва уни ривожлантириш чора-тадбирлари тўғрисида"ги Фармонида фермерлик ҳаракатини ривожлантиришда ўзини ўзи бошқаришининг демократик тамойилларга таянадиган таъсирчан тизимини ташкил этишга оид муҳим вазифалар белгилаб берилди. Мазкур Фармон асосида мамлакатимизда фермер ҳўжалиқларини янада ривожлантириш, ишлаб чиқариш самарадорлигини ошириш борасида режалаштирилаётган истиқболли лойиҳалар, қишлоқ ҳўжалигини иқтисодий ислоҳ этиш борасидаги аҳамиятли чора-тадбирлар хусусида "Туркистон-пресс" нодавлат ахборот агентлиги мужбири Ўзбекистон Фермерлар кенгаши раиси, Ўзбекистон Қаҳрамони Содиқжон ТУРДИЕВ билан сўхбатлашди.



— Президентимиз Ислам Каримов 2012 йилда мамлакатимизни ижтимоий-иқтисодий ривожлантириш юнқулири ҳамда 2013 йилга мўлжалланган иқтисодий дастурининг энг муҳим устувор йўналишларига бағишланган Вазирлар Маҳкамасининг мажлисидаги маърузасида "Кун сайин мустаҳкамланиб, ҳал қилувчи кучга айланиб бораётган фермерлик ҳаракати Ўзбекистонда ўзини тўла оқлади ва бунга ҳеч қандай шубҳа бўлиши мумкин эмас, десам, ўйлайманки, барчамизнинг умумий фикримизни ифода этган бўламан" деган гаплари мамлакатимизда фермерлик ҳаракатининг мавқеи тобора юксалиб бораётганидан далолатдир, — дейди Содиқжон Турдиев. — Бугун қувончу фахр билан айтиш мумкинки, мустақиллик йилларида мамлакатимизда амалга оширилаётган барча ислохотлар ижобий

камарбаста бўлишдир. Президентимизнинг юқорида таъкидлаб ўтилган Фармонига асосан ишлаб чиқилган муқим тадбирлардан бири — бу кўп тармоқли фермер ҳўжалиқларини ташкил этишдир. Унга кўра, Қорақалпоғистон Республикаси Вазирлар Кенгаши ва вилоят ҳокимликлари билан Ўзбекистон Фермерлари кенгаши ҳамкорлигида тасдиқланган дастурларга мувофиқ 2013 йил давомида 17 мингдан ортик фермер ҳўжалиқларининг кўп тармоқли фермер ҳўжалиги сифатида фаолиятини кенгайтириш белгиланган. Мазкур фермер ҳўжалиқлари нафақат қишлоқ ҳўжалиги маҳсулотлари етиштириш билан, балки қишлоқда сервис хизматларини ташкил этиш, кичик тикув цехлари очиб, қурилиш ишларини олиб борувчи хизматлар, гўшт, сут ва мева-сабзавот каби маҳсулотларни қайта ишлаш, касаначилик, савдо-сотик ҳамда тижорат каби бошқа бир қатор фаолиятлар билан шуғулланишлар. Натижада эса жорий — Обод турмуш йилида биргина кўп тармоқли фермер ҳўжалиқларини ташкил этиш ҳисобига қишлоқ жойларда 90 мингдан ортик қўшимча иш ўринлари яратили режалаштирилган. Бу аҳоли турмуш фаровонлиги ва даромадини янада ошириш имконини беради. (Давоми 2-саҳифада)

самарасини бермоқда. Бу қишлоқ ҳўжалиги, айниқса, фермерлик ҳаракатини янада ривожлантиришда ҳам яққол кўзга ташланмоқда. Давлатимиз раҳбари томонидан мустақилликнинг дастлабки кунларида ишлаб чиқилган ва бутун дунё тан олган — бозор иқтисодиётига ўтишнинг беш тамойили барча соҳаларда бўлгани каби мамлакатимиз аграр соҳаси ривожиди ҳам туб бурилиш ясади. Сўнгги йилларда қабул қилинган қишлоқ ҳўжалигини ривожлантириш бўйича соҳага тегишли қонунлар ва қарорлар, меъёрий ҳужжатлар, фермерларга ер майдонларининг узоқ муддатга ижарага берилиши, янги ташкил этилган фермер ҳўжалиқларига шарт-шароит ва имкониятлар яратиш мақсадида турли хизматларнинг йўлга қўйилиши ҳамда берилаётган имтиёзлар кўлами йилдан-йилга ортиб бораётгани иқтисодий ислохотларнинг янада самарали бўлишига хизмат қилмоқда. Президентимизнинг "Ўзбекистонда фермерлик фаолиятини ташкил қилишни янада такомиллаштириш ва уни ривожлантириш чора-тадбирлари тўғрисида"ги Фармонининг қабул қилиниши билан қишлоқ ҳўжалигида ислохотларнинг янги поғонага кўтарилишида наватдаги муқим босқич бўлди. Мазкур Фармон фермер ҳўжалиқларига бир қатор имтиёзлар яратиш баробарида, фермерлар зиммасига ўзига хос масъулият ҳам юкланди. Шу нуктага назардан уларнинг ваколатлари сезиларли даражада кенгайтирилди. Жумладан, бугунги кунда фермер ҳўжалиқларини ташкил этиш ва қайта ташкил этиш, уларга ер участкаларини узоқ муддатга ижарага бериш, давлат ва ҳўжалик

КЕНГАШ ФЕРМЕРЛАРНИНГ ЭНГ ЯҚИН МАСЛАХАТЧИСИГА, ФЕРМЕРЛИК ҚАРАКАТИНИНГ ЎЗАГИГА АЙЛАНАДИ

(Боши 1-саҳифада)

Бугунга келиб Ўзбекистон Фермерлари кенгашининг энг асосий вазифаларидан бири ҳисобланган кўп тармоқли фермер хўжалиқларини ташкил этиш ва ривожлантириш бўйича бир қатор ишлар амалга оширилмоқда. Жумладан, Ўзбекистон Фермерлари кенгаши аъзолари томонидан тегишли вазирлик ва идоралар билан биргаликда барча ҳудудлардаги фермерлар иштирокида учрашувлар ўтказилди. Эндилда бу борада ишлаб чиқилган дастурга асосан 8 минг гектарга яқин майдонда интенсив ва маҳаллий боғлар, 4 минг гектар майдонда эса янги тоқзорлар ташкил этилади. Бундан ташқари, 395 та фермер хўжалигида гўшт, сут ва мева-сабзавотларни қайта ишлаш корхоналари, 2 мингдан ортиқ фермер хўжалигида чорвачилик ва паррандачилик соҳаларини қўшимча ривожда ташкил этиш, худди шу шаклда 1200 дан ортиқ фермер хўжалигида эса балчиқчилик ва асалчиликни, шунингдек, 5331 фермер хўжалигида, 7006 та лойиҳа асосида сервис хизматларини йўлга қўйиш режалаштирилган.

Бугунга келиб мамлакатимиздаги фермерлик ҳаракати 66 мингдан зиёд фермер хўжалигини ўзида бирлаштир-

моқда. Республикаимиздаги жами ҳайдаладиган ерларнинг 85 фоиздан ортиги, етиштириладиган қишлоқ хўжалиги маҳсулотларининг асосий қисми айнан фермерларимиз ҳиссасига тўғри келади. Яна бир эътирофли жиҳат, сўнгги йилларда фермерларда мулкка эгаллик ҳисси ортиб бормоқда. Бу, ўз навбатида, қишлоқ хўжалиги экинлари ҳосилдорлигининг кўпайиши, маҳсулотлар сифати ва ерлар унумдорлигининг ошишига хизмат қилмоқда.

Бундай юқори кўрсаткичларга эришишда эса, фермер хўжалиқларига давлатимиз томонидан яратилган шарт-шароит ва имкониятлар муҳим омил бўлаётди. Давлат буюртмаси учун маҳсулот ишлаб чиқаришни йўлга қўйишда 3 фоизлик имтиёзли кредитларнинг берилиши, ҳосилдорлиги паст ерларда давлат эҳтиёжи учун қишлоқ хўжалиги маҳсулотлари етиштирувчи фермер хўжалиқларига бюджетдан субсидиялар ажратилиши, пахта таласини жаҳон бозорига сотилиши натижасида ҳосил бўладиган илҳомий салҳоддан бир қисми фермер хўжалиқларига қўшимча қилиб берилганлиги, юртимизда ишлаб чиқарилаётган қишлоқ хўжалиги техникаларининг 10 йил муддатга имтиёзли лизинг асосида бери-

лиши ва бошқа бир қатор имтиёзлар шулар жумласидандир.

Фармонда белгиланган вазифаларнинг ижросини таъминлаш мақсадида Ўзбекистон Республикаси Вазирлар Маъкамаси томонидан вазирлик ва идоралар раҳбарлари бошчилигида махсус Ишчи гуруҳлари ташкил этилди. Улар томонидан бугунги кунда бир қатор қонунлар ва меъёрий ҳужжатларга тегишли ўзгариш ва қўшимчалар киритиш, фермер хўжалиқларига бериладиган қўшимча имтиёزلарни жорий қилиш механизмлари устида мунтазам иш олиб борилмоқда. Жумладан, пахта хошасини ййгиш бўйича мавсумий қишлоқ хўжалиги ишларига жалб қилинган ишчиларни даромад солигидан озод этиш, томчилаб сугориш тизимини жорий қилган юридик шахслар тегишли ер участкасига нисбатан 5 йил муддатга ягона ер солигини тўлашдан озод этилиши, Фермерлар кенгашларига фермер хўжалиқлари манфаатларини кўзлаб судларга даъво аризаларини тақдим этиш, давлат органларининг қарорлари устидан судга давлат божи тўламасдан шикоят қилиш ҳуқуқининг берилиши каби бир қатор йўналишлар бўйича ишлар олиб борилмоқда.

Шунингдек, фермерларнинг ташаббус-

лари ва лойиҳаларини қўллаб-қувватлаш мақсадида банклардан имтиёзли кредитлар ажратиш масалаларига ҳам алоҳида эътибор қаратилмоқда. Мисол учун, бирон фермер хўжалиги ўз фаолиятида томчилаб сугоришни жорий этса, унинг лойиҳаси имтиёзли шартлар асосида кредитланади. Бундан ташқари, фермерларимиз учун тижорат кредити, истеъмол кредити, ипотека ва имтиёзли кредитлар ажратилиши йўлга қўйилган.

Кенгаш олдидаги вазифалар ва режалар хусусида гапирадиган бўлсак, таъкидлаш ўринлики, кенгашнинг 2013 йилдаги иш режаси ишлаб чиқилди. Унга кўра, фермерлик ҳаракатига Фармондан келиб чиқиб янгица ёндашиш, фермерлар ишлаб чиқаришидаги муаммоларини жойларда ҳал этиш, уларнинг ишлаб чиқаришини ривожлантириш мақсадида хорижий ва ички инвестицияларни кенг жалб этиш асосида фермер хўжалиқлари қошида қишлоқ хўжалиги маҳсулотларини қайта ишлашни, замонавий интенсификациянинг ташкил этиш, тармоққа янги инновацияларни жорий қилиш, хорижий давлатларда қишлоқ хўжалиги соҳасида ташкил этиладиган ҳалқаро кўргазмаларда иштирок этиш, аҳоли бандлигини таъминлаш, туманларда ҳуқуқий,

иқтисодий, молиявий, агротехник ҳамда бошқа масалалар бўйича консалтинг маслаҳат марказлари фаолиятини йўлга қўйиш режалаштирилган. Шунингдек, Тошкент шаҳри ва Қорақалпоғистон Республикаси, вилоятлар ва туманлардаги деҳқон бозорларига рақобатдош Фермерлар кенгаши деҳқон бозорларини ишга тушириш, ҳар бир туманда 1 тадан қишлоқ хўжалигига ихтисослашган коллежларда "Фермерлар ўқув маркази"ни ташкил этиш ҳамда бу жойларда фермерларнинг йил давомида агротехник тадбирларини ва янги технологияларни ўрганишни йўлга қўйиш ва бошқа бир қатор вазифалар ҳам белгилаб олинди.

Ўзбекистон Фермерлари кенгаши қишлоқ хўжалигини жадал ривожлантириш, аҳоли бандлиги ва фаровонлигини ошириш, юртимиз раванга йўлида хормай-толмай хизмат қилаётган фермерларга доимий кўмакчи бўлишига ишончимиз қомил. Зеро, замон билан ҳамнафас қадам ташлаш, унинг талаблари асосида иш юритиш агар соҳадаги барча илҳомлар ва муваффақиятларимизга гаровидир.

"Туркистон-пресс" мухбири **Улғубек АСРОРОВ** суҳбатлашди.

Наманган Вилояти

Фермер хўжалигимиз асосан боғдорчилик ҳамда сабзавотчиликка ихтисослашган бўлиб, жамоа аъзоларимиз томонидан ҳар йили қишлоқ хўжалиги маҳсулотлари етиштириш ва уларни давлатга сотиш кўрсаткичлари ортиги билан уддалаб келинади. Ўтган йили давлат эҳтиёжи учун мўлжалдаги 100 тонна ўрнига 120 тонна бўғдой етказиб берилди.

ИМКОНИЯТЛАРИМИЗ ЙўЛДА-ЙўЛГА КЕНГАЙТИР

Саидолим СУЛТОНОВ, Янгиқўрғон туманидаги "Муродсултонбува" фермер хўжалиги раҳбари.

Фермер хўжалигимизни бундан тўққиз йил олдин 15 гектар ерни ўзлаштириб, ташкил этгандик. Ўтган йиллар давомида уруғчилик соҳасида илмий-амалий тажрибаларни муттасил давом эттириб, пиёзнинг "Луганский" ҳамда "Қоратол" навларини туман иқлимига мослаштириш, унинг ҳосилдорлигини ошириш ва, энг муҳими, сара, экспортбоп уруғини тайёрлашга эришдик. Икки йил мобайнида Украина Республикасига 30 тонна пиёз уруғи етказиб бердик. Бу фермер хўжалигимизнинг иқтисодий жиҳатдан ўзини тиклаб, оёққа туриб олишида муҳим қадам бўлди. Айниқса, Президентимизнинг 2006 йил 11 январдаги "Мева-сабзавотчилик ва узумчилик соҳасини ислоҳ қилиш бўйича ташкилий чора-тадбирлар тўғрисида"ги Қарори фермер хўжалигимизнинг ҳар тарафлама қулоч ёзиб, янада ривож топишида муҳим аҳамият касб этди. Мазкур қарор ижроси юзасидан ўтказилган тендер танловида иштирок этиш, экин майдонларимизни кенгайтириб олдик. Натижада пиллачилик билан ҳам шуғуллана бошладик. Бундан икки йил аввал ярим гектар майдонда иссиқхона қуриб, фермер хўжалиқларига помидор, булғор қалампир ва қарам қўчатлари ҳамда сабзавот экинлари парваришланади. Ишчиларимиз 50 нафар бўлиб, улар меҳнатини "МТЗ-80" ҳамда "ТТЗ-80-11" русумдаги техника воситалари енгил қилмоқда. Яқин кунлар ичида улар қаторидан замонавий "Арион" русумли трактор ҳам жой олади.

Фарғона Вилояти

Бешариқ туманидаги Зарипжон Қурбоналиев бошқараётган "Ҳумоюн Омонжонов" фермер хўжалигининг жами ер майдони 108,3 гектар бўлиб, шундан 51,3 гектарида пахта, 54 гектарида галла етиштирилади. Шунингдек, пиллачилик ҳам фермер хўжалигининг асосий тармоқларидан саналиб, ҳар йили бу борадаги кўрсаткичлар ҳам юқори бўлмоқда.

Фермер хўжалигимизнинг экин майдонлари асосан қумлоқ, шўрхок ва шўртоб ерлардан иборат, — дейди фермер. — Бу эса агротехник тадбирларни бир дам ҳам тўхтатмасликни талаб этади. Қиш қизгин иш фасли. Пахта экиладиган майдонлар шўрини ювामиз. Маҳаллий ўғитни дала бошига жамлаб, техникаларни шай ҳолатга келтирамиз. Сув йўлларини раванлаштириб, дала атрофини тартибга келтирамиз.

"Ҳумоюн Омонжонов" фермер хўжалигини 1993 йили узоқ йиллик меҳнат тажрибасига эга Омонжон Қурбоналиев ташкил этганди. Уша кезлари хўжалик ер майдони ўн гектардан ошмас, олинандиган ҳосил ҳам, даромад ҳам шунга яраша бўларди. Бироқ мамлакатимизда фермер хўжалиқларининг иқтисодий ва молиявий мустақиллиги учун мустаҳкам ҳуқуқий асослар ва қафолатлари ярати берилганлиги, Президентимиз томонидан фермерлик ҳаракати ҳар тарафлама қўллаб-қувватланаётганлиги Омонжон Қурбоналиев етакчилик қилган фермер хўжалиги аъзоларини ҳам ягона мақсад сари бирлаштирди. Натижада фермер хўжалигининг иқтисодий кўрсаткичлари яшилди. Ер майдони кенгайди, техникалари кўпайди. Уларни Ҳусанбой Бозоров, Иброҳимжон Абдурашидов сингари механизаторлар бошқариб, хўжалик хирмонларига барака киритишди. Энг муҳими, хўжалик аъзоларининг моддий манфаатдорлиги ошди, уларнинг меҳнатга бўлган муносабати тубдан ўзгарди.

— Ерга кўпчилигининг риизи сочилган, — дейди тажрибали деҳқон Омонжон ака. — Шундай бўлгач, бугунги фермер ҳар қарич ерининг қадрига етиб, уни эъозлаши, эл-юрт тўкинчилиги йўлида баракали хирмон кўтармоғи керак.

— Ўтган йили отам фермер хўжалигини расман бошқаришни менга топшириб, ўзлари пенсияга чиқдилар, — дейди Зарипжон. — Аммо деярли ҳар кунни далага келади. Деҳқончилик ишлари қандай кетаётганлигини кузатиб, бизларга қимматли маслаҳатларини беради. Отамнинг панд-насихатларига амал қилиб, жорий йил пахта, галла, пилла хирмонларига ҳозирдан пухта замин яратяптимиз.

Мазмур МУСУЛМОНОВ, "Qishloq hayoti" мухбири.



ҚИШЛОҚДА ТАРАҚҚИЁТ ВА ФАРОВОНЛИКНИ ТАЪМИНЛОВЧИ КУЧ

Бухоро Вилояти



СИГИР СУТИ ТИЛИДАН

Шофирқон туманидаги чорвачиликка ихтисослашган "Ҳикмат Ҳасан" фермер хўжалиги аъзолари ҳар йили чорва қишлови учун етарли ва сифатли озуқа захирасини яратишга алоҳида эътибор қаратишади. Шу боис, хўжалиқдаги 80 бош қорамолнинг маҳсулдорлиги қиш мавсумида ҳам яхши.

— Йил давомида экин ерларидан самарали фойдаланиб, қорамолларни тўйимли озуқалар билан озиқлантиришга ҳаракат қиламиз, — дейди фер-

мер Сайфулло Ҳасанов. — Ўтган йили галладан бўшаган 10 гектар майдонга тариқ экиб, биргина шу экиннинг ўзидан 20 тонна дон ва шунча микдорда со-

мон ййгиштириб олдик. Қиш даврида қорамолларга икки маҳал қучайтирилган рацион асосидаги озуқа берилаётгани боис, 30 бош сигирнинг ҳар биридан ҳар қачонгидан ҳам кўпроқ сүт соғиб олиняпти.

СУРАТДА: хўжалик раҳбари Сайфулло Ҳасанов чорвадор Фулом Султонов билан озуқа сифатини кўздан кечирмоқда. **Ҳамроз АЛИ олган сурат.**

Қашқароё Вилояти

Дилда эзгу мақсадлар билан

Хўжалигимиз ер майдони 120 гектар бўлиб, жорий йил ҳосили учун 50 гектарига галла экканмиз, 67 гектар ер пахтачилик учун мўлжалланган. Шунингдек, 3 гектар ерда боғ ва сабзавот экинлари бор. Бундан ташқари, хўжалигимизда 38 бош "қизил чўл" зотли қорамол бўлиб, шунинг 16 боши соғин сигирларни ташкил этади.

Суюн АБДИЕВ, Қарши туманидаги "Абдиев Маҳид Абдиевич" фермер хўжалиги раҳбари.

Ўтган йили пахтадан 40 центнердан, галладан 60 центнердан ҳосил олдик. Даромадимиз ҳам, манфаатдорлигимиз ҳам ошди. Жорий йилда ҳам ушбу кўрсаткичларни янада ошириш ниятида меҳнат қиламиз. Айни пайтда ички сув йўлларини тартибга келтириб, далага маҳаллий ўғит ташиб чиқариш, ерларни чигит экишга сифатли тайёрлашга алоҳида эътибор қаратяпмиз. Мавжуд техника ва механизмлар мавсумга шай ҳолатга келтирилди. 50 гектар майдондаги галла майсалари парвариши ҳам кўнгилдагидек олиб борилмоқда.

Қишлоғимиз ҳудудида 12 километр хўжалиқлараро, 60 километр ички йўллар мавжуд бўлиб, уларнинг таъмирталаб жойларини тартибга келтиришни ҳам режалаштирганмиз. 3 та қишлоқ врачлик пункти, 2 та мактабгача таълим муассасасига ҳомийлик асосида ёрдам кўрсатяпмиз.

Галдаги режаларимиз фермер хўжалигимизда замонавий усулда пиллачиликни ташкил этиш, хориж технологияси асосида сутни қайта ишлашни йўлга қўйиб, бу орқали янги иш ўринлари яратишдан иборат.

Сурғарё Вилояти

КўП ТАРМОҚЛИЛИК — КўП ДАРОМАДЛИЛИК

Президентимизнинг 2012 йил 22 октябрдаги "Ўзбекистонда фермерлик фаолиятини ташкил қилишни янада тақомиллаштириш ва уни ривожлантириш чора-тадбирлари тўғрисида"ги Фармони кўп тармоқли хўжалиқларни ривожлантиришнинг истиқболли йўлларини белгилаб берди. Фермер хўжалиқларида қишлоқ хўжалик ва чорва маҳсулотларини қайта ишлаш, маиший ва сервис хизмати шохобчаларининг йўлга қўйилётгани қишлоқ инфратузилмасини тараққий эттириш баробарида турмушимиз янада фаровон ва обод бўлишини таъмин этаётди.

Бунинг биргина Сирдарё тумани мисолида оладиган бўлсак, пахта ва галлачиликдан ташқари айни вақтда туманда 41 та чорвачилик, 11 та балчиқчилик, 3 та паррандачилик, 2 та асалари-чилик, 33 та боғдорчилик, 33 та сабзавот ва полизчилик хўжалиқлари, шунингдек, улар негизда буларга қўшимча 47 та сервис ва маиший хизмат шохобчаларининг фаолият кўрсатаётганлиги қишлоқ мулкдорларининг кўп қиррали ҳаракати нечоғлик ўсиб бораётганлигини ойдинлаштиради.

Туман Фермерлар кенгаши фермерларнинг фаолиятига кенг йўл очиб, ўзаро алоқаларни кенгайтириш, мустаҳкамлашга кўмаклашаётди. Шу мақсадда ўқув-семинарлар ташкил этиб, кўплаб фермерлар қишлоқ хўжалиги, ишлаб чиқариш тармоқлари ривожланган мамлакатлар иш тажрибаларини ўрганишга жўнатилган.

— Кенгашимиз доимий фаолият бошлаб, фермерлар билан янада яқинлашиб кетдик, — дейди Сирдарё тумани Фермерлар кенгаши раиси Фуркат Чилтонов. — Эндилда ҳар бир ҳудуддаги фермерлар ишини ҳар кун мониторинг

қилиб бориш баробарида қайси хўжаликка нима зарурлиги, унинг имконияти қай даражадалигидан ҳам тўлиқ бохабар бўляпти.

— Хўжалигимиз негизда чорвачиликни ҳам йўлга қўйганмиз, — дейди "Янги ҳаёт" сув истеъмолчилари уюшмаси ҳудудидаги "Эсонтурдиев Ҳожибой ота" фермер хўжалиги раҳбари Дилшод Эсонтурдиев. — Ҳозир фермаимизда 30 бош зотли қорамол бор. Ўтган йили пахта ва галлачиликдан 70 миллион сўм соф фойда олгандик. Гўшт ва сүт етиштиришдан кўрган 40 миллион сўм фойдаимиз ҳам бунга қўшадиган бўлсак, бир йиллик соф даромадимиз 110 миллион сўмдан ошиб кетди. Чорвачиликни янада ривожлантириб келгусида сүт ва гўштни қайта ишлаш цехи олишни мўлжаллаб турибмиз.

Шу ҳудуддаги Маҳмуд Тўқмоқов раҳбарлик қилаётган "Авесто-Зардушт" фермер хўжалигида 20 гектарлик боғ, 1 гектару 82 сотих майдондаги тоқзор, унинг ўрнида барпо этилган, ишчилар дам олиш йили боғ кўрқига ўзгача кўр бахш этиб турибди. Беихтиёр шундай жаннатмонанд гўшани барпо этган деҳ-



қонларга қойил қоласиз. Тадбиркор 10 гектар ердаги ҳосилли боғдан тонна-тонналаб мева олиб эл-юрт дастурхонини безаяпти.

— 14 гектар майдонда галла, 9 гектарда пахта етиштириш билан бирга хўжалигимизда техника ёрдамида сервис хизмати кўрсатишни кенг йўлга қўйганмиз, — дейди "Ҳасан Чилтонов"

фермер хўжалиги раҳбари, туман Фермерлар кенгаши раиси Фуркат Чилтонов. — 2 та "МХ-135", 1 та "ПУМО-210" юқори унумли ҳайдов трактори билан тумандаги 50 дан зиёд фермер хўжалиқларининг экин майдонларини шудгорлаш, текислаш, экишга тайёрлаш, чизеллаш сингари ишларини бажарамиз. Обод турмуш йилида мўл ҳосил етиш-

тиришни мақсад қилган Сирдарё тумани деҳқонлари айни пайтда бошланаётган баҳорги агротехник тадбирларга пухта тайёргарлик кўришган. Зеро, бугунги ҳаракатда эртаннинг барокати намоен бўлади.

Бозорбой БЕКМУРОДОВ, "Qishloq hayoti" мухбири. **Рашид ГАЛИЕВ олган суратлар.**

Президентимиз 2012 йилда мамлакатимизни ижтимоий-иқтисодий ривожлантириш яқунлари ҳамда 2013 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисида таъкидлаб ўтганидек, мамлакатимиз молия-банк тизими барқарор ва ишончли фаолият юритиб, юқори кўрсаткичларни намойиш этиб келмоқда. Бу халқаро ташкилотлар томонидан ҳам эътироф этилаётир. Хусусан, ўтган йили мамлакатимизнинг 28 та тижорат банки ижобий халқаро рейтингга эга бўлди. Ҳолбуки, 2010 йилда бу кўрсаткич 13 тани ташкил этганди.

Мана шундай ижобий кўрсаткичлар қайд этилаётган молия муассасаларидан бири – “Микрокредитбанк” очик акциядорлик тижорат банкидир. Буни яқиндагина халқаро “Fitch Ratings” агентлиги томонидан банкнинг кредитга лаёқатлилик рейтинглари “В” “Барқарор” даражаси қайта тасдиқлангани ҳам кўриш мумкин.

2012 йилнинг 28 ноябрида эса “Микрокредитбанк” “The Banker” (Буюк Британия) нашриёти томонидан “Ўзбекистонда йилнинг энг яхши банки”, деб эътироф этилган. Бу банкнинг молия бозоридаги муваффақиятли ривожланиш стратегияси, активларнинг сифати ва таваккалчиликларни самарали бошқаришига берилган муносиб баҳо бўлди.

Дарҳақиқат, Президентимизнинг 2006 йил 5 майдаги “Микрокредитбанк” акциядорлик тижорат банкини ташкил этиш тўғрисида”ги Фармониغا асосан фаолият бошлаган ушбу банк ўтган қисқа вақт мобайнида кичик бизнес ва хусусий тадбиркорликни микромолиялаш, ҳамда соҳани жадал ривожлантириш учун қўлай шарт-шароитлар яратишда салмоқли натижаларга эришди.

Биргина ўтган йилда амалга оширилган ишларни сарҳисоб этганимизда ҳам бунга амин бўламиз. Банк томонидан иқтисодийнинг реал секторига ажратилган кредитлар 115 фоизга ортиб, 442,3 миллиард сўмни ташкил этди. Ажратилган узоқ мuddатли кредитларнинг ҳажми 116 фоизга ортиб, 330,3 миллиард сўмни ташкил этди ва умумий кредит кўйилма-нинг 75 фоизига тўғри келди. Шунингдек, ажратилган инвестицион кредитларнинг ҳажми 130 фоизга ўсиб, 267,8 миллиард сўмни ташкил қилди.

Молия муассасаси 84 та филиал ва 188 та минибанклар орқали 182 мингдан зиёд миқозларга сифатли хизмат кўрсатиб келаётир. 2012 йилда Қорақалпоғистон Республикасининг Чимбой туманида банкнинг “Чимбой” филиали ташкил этилди. Бу эса молия муассасаси фаолияти янада кенгайиб бораётганлигининг ёрқин кўрсаткичи бўлди.

Банк жамоаси томонидан йил давомида олиб борилган ишларда “Мустақкам оила йили” Давлат дастури муҳим аҳамият касб этди. Унинг ижроси юзасидан юрдошларимизга “Оила фаровонлиги учун” хизматлар мажмуаси тақдим этилди. “Келажак учун сармоялар”, деб номланган ушбу хизматлар мажмуада ёшларнинг таълим олиш, даволаниш, тўй маросимларини ўтказиш, қол-леж битирувчиларнинг тадбиркорлик фаолиятини йўлга

жамоасининг тадбиркорлар билан учрашувлари, малакали мутахассисларнинг тавсиялари, тажриба ва амалиёт уйғунлиги, энг муҳими, физи кам кредитлардан унумли фойдаланиш борасидаги фикрлар ишбилармонларни руҳлантирмоқда. Ўтган йили Ўзбекистон Хотин-қизлар кўмитаси билан ҳамкорликда республикамизнинг барча хуудларда “Тадбиркорлик – мустақкам оила пойдевори” мавзусида семинар ва давра суҳбатлари ташкил этилди.

Шунингдек, ХДП Марказий Кенгаши билан ҳамкорликда Булунгур туманида “Маҳалларда оилавий тадбиркорлик ва касаначиликни ривожлантириш – оилаларни ижтимоий ҳимоя

Жорий йилнинг 20 февраль куни

FitchRatings

халқаро рейтинг агентлиги



«МИКРОКРЕДИТБАНК»

очик акциядорлик тижорат банкнинг узоқ ва қисқа мuddатли кредитга лаёқатлилик рейтингини

«В»

«Барқарор»

деб тасдиқлади

«Микрокредитбанк» сармоялари – тадбиркорлик, бунёкорлик ва тараққиёт хизматида!

корлик субъектларига хизмат кўрсатиш ва сервис соҳасини ривожлантиришга молиявий кўмак беришга эътибор қаратилди. Ишбилармонларнинг шу мақсаддаги истиқболли лойиҳала-

ни қўллаб-қувватлаш мақсадида ҳам қатор ишлар олиб борилаётир. Президентимизнинг 2007 йил 18 майдаги “Еш оилаларни моддий ва маънавий қўллаб-қувватлашга доир қўшимча чора-

ривожлантириш, иқтисодий ва маиший шароитини ҳамда уларнинг оиласи фаровонлигини кўтаришга кўмаклашиш учун кўрсатиладиган микромолиявий хизматлар кўламини янада кен-



БАРҚАРОР ФАОЛИЯТ ЭЪТИРОФИ

БУ УСТУВОР ВАЗИФАЛАРНИНГ ИЗЧИЛ ИЖРОСИ САМАРАСИДИР

қилишининг муҳим омилдир” номи Форум ўтказилди. Тадбиркорлар ва ишбилармонлар ҳаракати – Ўзбекистон Либерал Демократик партияси билан ҳамкорликда Қорақалпоғистон Республикаси ва барча вилоятларда “Муқдор оила” лойиҳаси ташкил этилди. Уларнинг барчасидан бир мақсад – тадбиркорлик ва ишбилармонликни рағбатлантириш кўзланди.

Кичик бизнес ва хусусий тадбиркорлик соҳасини молиявий қўллаб-қувватлаш мақсуд мазкур молия муассасасининг асосий йўналишларидан биридир. Ўтган йилда ҳам бу борадаги ишлар кўлами янада кенгайди. Яъни кичик бизнес ва хусусий тадбиркорлик субъектларига

рени қўллаб-қувватлаш учун 46,7 миллиард сўм миқдорда сармоя йўналтирилгани, бунинг натижасида нафақат ушбу соҳани тараққий эттириш, балки 16 610 та янги иш ўрни ташкил этилгани қувонарли ҳолдир.

Банк жамоаси энг чека хуудларга сармоя киритиб, тадбиркорларга маддадор бўлишни мақсад қилишган. Бу борада олиб борилаётган ишларда қишлоқ хўжалигининг истиқболли тармоқларини тараққий эттириш, шу орқали аҳолини иш билан таъминлаш, фаровонликка ҳисса қўшиш муассасалашган. Ўтган йилда банк томонидан шахсий ёрдамчи ва деҳқон хўжалиқларига чорвачиликни ривожлантириш учун ажратилган микрокредитлар 15,2 миллиард сўмни, паррандачилик, асаларчилик, боғдорчиликни ташкил этиш учун ажратилган микрокредитлар миқдори 2,5 миллиард сўмни ташкил этди.

Касб-хунар коллежлари битирувчиларини иш билан таъминлаш, уларни тадбиркорлик фаолиятига кенг жалб этиш, бу борадаги истеъдод ва қобилиятларини юзага чиқариш мақсадида ҳам кенг қўламли ишлар давом эттирилди. “Банк ва коллеж ҳамкорлиги” деб номланган лойиҳа ўз самарасини берди ва қарийб 3 мингдан ортик коллеж битирувчисига 9,8 миллиард сўм миқдорда имтиёзли микрокредитлар ажратилди. Мазкур сармоялар ҳисобига 4 мингдан зиёд янги иш ўрни ташкил этилди.

Бу борада амалга оширилган ишлар натижаси “Банк экспозе – 2012” кўргазмасида ўз тасдиғини топди ва “Микрокредитбанк” “Таълим муассасалари битирувчиларини қўллаб-қувватловчи энг яхши банк” номинацияси фойда бўлди.

Банк томонидан ёш оилалар

тадбирлар тўғрисида”ги Фармони асосида олиб борилаётган ишлар натижасида, энг аввало, оилавий тадбиркорликни бошлаган ёш оилалар диққат эътиборда бўлиб келаяпти. Уларнинг

ТАДБИРКОР ХОТИН-ҚИЗЛАР САФИ КЕНГАЙМОҚДА

Ўзбекистон Хотин-қизлар кўмитаси ва БМТнинг UNWOMEN тузилмаси ҳамкорлигида ҳамда “Микрокредитбанк” кўмагида мамлакатимизнинг 6 та туманида “Ўзбекистон аёлларининг иқтисодий ҳуқуқларини ҳаётга кенг татбиқ этиш” лойиҳаси амалга оширилмоқда. Бундан мақсад юртимизда хотин-қизларнинг иқтисодий билимларини ошириш, улар бандлигини кенг миқёсда таъминлаш, аёллар тадбиркорлик фаолиятларини кучайтиришда халқаро ташкилотларнинг имкониятларидан самаралироқ фойдаланишдан иборат.

Мактуба МИРТУРСУНОВА,
Тошкент вилояти Юқори Чирчиқ тумани ҳокими ўринбосари, хотин-қизлар кўмитаси раиси, лойиҳа бўйича туман координатори:
— Ўтган йили ушбу лойиҳа асосида бошланган ишлар тадбиркорлик билан шуғулланиш истагида бўлган ишбилармон аёлларга маддад бўлмоқда. Бугунги кунда лойиҳа асосида туманимизда ташкил этилган ўнлаб гуруҳлар фаолият юритмоқда. Уларга 21 ёшдан 55 ёшгача бўлган хотин-қизлар аъзо бўлиб киришган. Бу — лойиҳа хотин-қизлар кенг қатлами қамраб олаётганлигини аңлатади.

Дилором УМАРОВА,
Қашқадарё вилояти Қарши тумани ҳокими ўринбосари, туман хотин-қизлар кўмитаси раиси:
— Ушбу лойиҳа аёлларга меҳнат ва хунар орқали маблағ топиш, фойдали иш билан шуғулланишда ёрдам беради. Ўтган йили ҳам туманимиздан 44 нафар аёл ушбу лойиҳа доирасида ўқитилиб, гуруҳ қабиллиги остида кичик кредитлар олганди ва ўз тадбиркорлик фаолиятларини йўлга қўйишганди. Лойиҳанинڭ иккинчи босқичи доирасида ҳам тумандаги 40 нафар аёл бизнес режа тузиш, ўз хунари ёки гоҳисини амалга ошириш механизмларини мустақкамлаш, тадбиркорлик фаолиятини йўлга қўйишининг ҳуқуқий асослари бўйича қўллаб-маълумотларга эга бўлишди.

тадбиркорлиги бошлангич сармоя билан таъминланган. Шунингдек, келгусида уни янада ривожлантириш ҳам эътибордан четда қолаётгани йўқ.

Ўтган йилда ёш оилалар аёллар тадбиркорлигини ижтимоий-иқтисодий қўллаб-қувватлаш, бизнес фаолиятларини

гайтириш мақсадида ҳам қатор ишлар олиб борилди.

Таъкидлаш жоизки, ўтган йилда банк томонидан ёш оилаларга 13,8 миллиард сўм истеъмоладан фойдаланиш имконияти берилди. Шундан, Ўзбекистон Республикаси Вазирлар Маҳкамасининг 2012 йил 17 апрелдаги “Оилаларнинг ижтимоий маиший шароитларини яхшилашга доир қўшимча чора-тадбирлар тўғрисида”ги қарори ижроси юзасидан маҳаллий ишлаб чиқарувчилар томонидан ишлаб чиқарилган маиший техника товарлари хариди учун ажратилган истеъмоладан фойдаланиш имконияти 4,1 миллиард сўмни ташкил этди. Буларнинг барчаси мамлакатимизда оилалар, айниқса, ёш оилаларнинг ҳуқуқий ва ижтимоий-иқтисодий манфаатларини ҳимоя қилиш ҳамда қўллаб-қувватлашни кучайтириш борасида амалга оширилаётган кенг қўламли ишлар самарасидир.

Жамиятимизда шундай хунарлар борки, уларни аёллар меҳнатисиз тасаввур этиш қийин. Дейлик, тивуччилик ёки каштачилик. Уни фақатгина аёллар эплаши мумкин. Яхшигина даромад келтирадиган ушбу хунарларни касбага айлантираётган, ҳам оилага, ҳам жамиятга фойда келтираётган аёлларимиз бугун жамиятнинг таянچига айланиб бораётир.

Юртимизда барча соҳаларда амалга оширилаётган ислохотлар жараёнида хотин-қизлар фаолигини ошириш, уларнинг ҳуқуқларини ҳар томонлама муҳофаза қилиш, оила, оналик ва болалик манфаатларини таъминлаш масаласига алоҳида эътибор қаратилаётир. Жумладан, иқтисодий ислохотларда фаол иштирок этишни мақсад қилган хотин-қизларни молиявий қўллаб-қувват-

лаш ўз самараларини бермоқда. Бу жараёнда “Микрокредитбанк” ОАТБ ҳам ўзининг муносиб улушини қўшиб келмоқда.

Ўтган йили банк томонидан аёллар тадбиркорлигини молиявий қўллаб-қувватлаш мақсадида 42,9 миллиард сўм миқдорда кредитлар ажратилди. Натижада 18 мингдан зиёд янги иш ўрни юзага келди.

Ўзбекистон Хотин-қизлар кўмитаси ҳамда БМТнинг UNWOMEN тузилмаси ҳамкорлигида аёлларнинг иқтисодий ҳуқуқларини оширишга қаратилган лойиҳа доирасида 6 та вилоятнинг манзилли туманларида гуруҳ қабиллиги асосида микрокредитлар ажратиш ишлари олиб борилди.

“Микрокредитбанк” томонидан Германия жамғарма кассалари фонднинг аёл тадбиркорларни молиявий қўллаб-қувватлаш лойиҳалари бўйича Навоий, Сурхондарё ва Тошкент вилоятларида аёл тадбиркорларга хизмат кўрсатиш, ишлаб чиқариш, паррандачилик, чорвачилик, қишлоқ хўжалиги маҳсулотлари етиштириш мақсадида учун 742 миллион сўм кредитлар ажратилди.

Ўзбекистон Республикаси Вазирлар Маҳкамаси томонидан қабул қилинган 2009-2012

даги қўшимча чора-тадбирлар тўғрисида”ги Қарорига асосан аҳолини ноозик-овқат маҳсулотларига бўлган эҳтиёжларини таъминлаш лойиҳалари учун жами 44,3 миллиард сўмлик кредитлар ажратилди.

Кичик бизнес ва хусусий тадбиркорлик субъектларининг лойиҳаларини молиялаштиришни кенгайтириш мақсадида халқаро молиявий институтларнинг имтиёзли кредит линиялари ва грантларини жалб қилиш ҳамда ўзлаштириш борасида амалий ишлар олиб борилди.

Жумладан, “Микрокредитбанк” ОАТБ ва Ўзбекистон Республикаси Қишлоқ ва сув хўжалиги вазирлиги қoшидаги Лойиҳани амалга ошириш гуруҳи ўртасида имзоланган келишувга асосан Жаҳон банкнинг 1,1 миллион АҚШ долларининг “Қорақалпоғистонда пиллачиликни ривожлантириш” лойиҳаси амалга оширилмоқда. Унга мувофиқ, жалб қилинган маблағлар ҳисобидан 1551 нафар пиллачилик билан шуғулланувчи тадбиркорларга жами 1 281 миллион сўм миқдорда кредитлар ажратилди.

Шунингдек, “Микрокредитбанк” ва БМТ Тараққиёт Дастурининг Ўзбекистондаги ваколатхонаси ўртасида имзоланган келишувга мувофиқ, 222,9 минг АҚШ долларининг миқдорда жалб қилинган маблағ ва унга тенг банк ўз маблағи ҳисобидан гуруҳ қабиллиги асосида кредитлар ажратиш лойиҳаси амалга оширилмоқда.

Бундан ташқари, Халқаро Тараққиёт Уюшмасининг “Қишлоқ хўжалиги корхоналарини қўллаб-қувватлаш. II-босқич” лойиҳаси бўйича жалб қилинган 5 миллион АҚШ долларининг эквивалентидagi маблағ тўлиқ ўзлаштирилди ва лойиҳа доирасида қўшимча 2,5 миллион АҚШ долларининг эквивалентидagi маблағ жалб қилинди. Лойиҳа ҳисобидан 110 та қишлоқ хўжалиги корхонасининг жами 12,5 миллиард сўмлик лойиҳалари молиялаштирилди.

Мазкур молия муассасаси миқозлари учун замонавий электрон ҳисоб-китоблар тизими асосланган, тақомиллашган банк хизматларини тақдир этиб келмоқда. Жумладан, тора оммавийлашиб бораётган, қўлай имкониятларини намойиш этаятган нақд пулсиз ҳисоб-китобларнинг электрон тарзда амалга оширилаётган пластик карточкаларга асосланган тўлов тизими муҳим аҳамият касб этмоқда. Ўтган йилда нақд пулсиз ҳисоб-китоблар тизимини кенгайтириш борасида банк томонидан пластик карточкалар эмиссиясини кўпайтириш ҳамда савдо ва хизмат кўрсатиш объектларини тўлов терминаллари билан таъминлаш ишлари амалга оширилди.

Хусусан, 2012 йилда 56 мингта пластик карточка эмиссия қилиниб, банк пластик карточкаларидан фойдаланувчилар сони 439 мингтага етди. Шунингдек, 607 та янги савдо ва хизмат кўрсатиш объектлари тўлов терминаллари билан жиҳозланди ва банк томонидан ўрнатилган терминаллар жами сони 7 123 тани ташкил этди.

Хизмат кўрсатиш жараёнини соддалаштириш орқали миқозларга хизмат кўрсатиш



қўйишлари, оилавий бизнесни ташкил этиш, хунармандчилик ва томорқачиликни ривожлантириш учун микрокредитлар ҳамда ёш оилаларни моддий ва маънавий қўллаб-қувватлаш бўйича молиявий хизматлар ўз аксини топди.

Умуман олганда, мана шундай ишлар натижасида оилавий тадбиркорлик субъектларига ажратилган имтиёзли кредитлар миқдори 24,6 миллиард сўмни ташкил этди. Шунингдек, ёш оилаларни моддий ва маънавий қўллаб-қувватлаш учун 32,6 миллиард сўм миқдорда кредитлар ажратилди. Сармоялар самарасида 7 мингдан зиёд янги иш ўрни яратилди.

ажратилган кредитлар миқдори 1,3 баробарга ошиб, 382 миллиард сўмни, кўрсатилган микромолиявий хизматлар 204,7 миллиард сўмни ташкил этди. Мазкур кредитлар ҳисобига 105 мингдан ортик янги иш ўрни яратилди.

Кейинги йилларда мамлакатимизда хизмат кўрсатиш соҳасини жадал ривожлантиришга алоҳида эътибор қаратилмоқда. Ўтган йилда ҳам бу борадаги ишлар изчил давом эттирилди. Натижада аҳолига кўрсатилаётган хизмат ҳажми 15 фоизга ўсиб, ушбу соҳанинڭ мамлакатимиз яқли ички маҳсулотидagi улуши 52 фоиздан зиёдни ташкил этмоқда.

Банк томонидан ҳам устувор вазифаларини изчил амалга оширишда ана шу жиҳатга – кичик бизнес ва хусусий тадбир-



ни тўлдириш юзасидан қўшимча чора-тадбирлар тўғрисида”ги Қарорига асосан аҳолини озиқ-овқат маҳсулотларига бўлган эҳтиёжларини таъминлашга қаратилган лойиҳаларни молиялаштиришга 53,5 миллиард сўм кредит маблағлари ажратилди.

Президентимизнинг 2009 йил 28 январдаги “Маҳаллий ноозик-овқат истеъмоладан фойдаланиш имконияти кенгайтирилиш

сифатини яхшилаш мақсадида амалиётга ахборот-коммуникация технологияларини кенг қўллаш борасида ишлар олиб борилди. Жумладан, масофадан ҳисоб-китобларни амалга ошириш ва молиявий ахборотларни алмаштириш тизими: интернет-банк, “SMS-bank”, “SMS-to-lov”, “SMS-omomat” интерфeол мобил тармоқлар тақомиллаштирилди ва бугунги кунда ушбу мобил тармоққа уланган миқозлар сони 13000 тага етди.

Сирасини айтганда, “Микрокредитбанк” очик акциядорлик-тижорат банки мамлакатимиз иқтисодийни хар томонлама тараққий эттириш, аҳоли фаровонлигини ошириш мақсадида амалга оширилаётган иқтисодий ислохотларни муваффақиятли давом эттириш ишига Обод турмуш йилида ҳам ўзининг муносиб ҳиссасини қўшиб бормоқда.

